



УЛСЫН ОНЦГОЙ КОМИССЫН  
ДАРГЫН ТУШААЛ

2021 оны 02 сарын 22 өдөр

Дугаар 18

Улаанбаатар хот

Түр журам батлах тухай

Гамшгаас хамгаалах тухай хуулийн 27<sup>1</sup> дугаар зүйлийн 27<sup>1</sup>.1.4, 28 дугаар зүйлийн 28.1.5, Коронавируст халдварт (КОВИД-19)-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх сөрөг нөлөөллийг бууруулах тухай хуулийн 8 дугаар зүйлийн 8.1.8 дахь заалт, Засгийн газрын 2021 оны 45 дугаар тогтоолыг тус тус үндэслэн ТУШААХ нь:

1. "Коронавируст халдварт (КОВИД-19)-аас сэргийлэх арга хэмжээг зохион байгуулах түр журам"-ыг хавсралтаар баталсугай.
2. Тушаалыг хэрэгжүүлж ажиллахыг бүх шатны Онцгой комиссын гишүүд, төрийн болон төрийн өмчтэй аж ахуйн нэгж байгууллага, иргэн хуулийн этгээдэд тус тус үүрэг болгосугай.
3. Тушаалын хэрэгжилтэд хяналт тавьж ажиллахыг Онцгой байдлын ерөнхий газар /Г.Ариунбуян/, Цагдаагийн Ерөнхий газар /Ж.Бодд/, Мэргэжлийн хяналтын ерөнхий газар /Т.Гантулга/ нар тус тус даалгасугай.

ДАРГА

С. АМАРСАЙХАН



УЖА0168

КОРОНАВИРУСТ ХАЛДВАР (КОВИД-19)-ААС СЭРГИЙЛЭХ  
АРГА ХЭМЖЭЭГ ЗОХИОН БАЙГУУЛАХ ТҮР ЖУРАМ

Нэг. Нийтлэг үндэслэл

1.1. Коронавируст халдварт (КОВИД-19)-аас сэргийлэх арга хэмжээг зохион байгуулах түр журам (цаашид "журам" гэх)-ын зорилго нь Коронавируст халдварт /КОВИД-19/-аас (цаашид "халдварт" гэх) урьдчилан сэргийлэх, төрийн байгууллага, иргэн, хуулийн этгээдийн үйл ажиллагаанд халдварт хамгааллын дэглэм сахиулах, ажил үйлчилгээг хэвийн явуулах нөхцелийг бурдуулэхэд оршино.

1.2. Халдварт хамгааллын дэглэм сахиулахад Эрүүл ахуйн тухай, Гамшгаас хамгаалах тухай, Коронавируст халдварт (КОВИД-19)-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх серег нөлөөллийг бууруулах тухай, Нийтийн албанад нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хууль болон бусад хууль тогтоомж, энэхүү журмыг баримтална.

1.3. Халдварт хамгааллын дэглэм сахиулах үйл ажиллагаанд хууль дээдлэх, шударга ёс, тэгш байдлыг хангах, хүний эрүүл, аюулгүй орчинд амьдрах нөхцелийг хангах, авлига, ашиг сонирхлын зөрчлөөс ангид байх зарчмыг баримтална.

1.4. Иргэн, хуулийн этгээд нь энэхүү журам, тусгай нөхцөл шаардлагыг мөрдөж ажиллах бөгөөд тусгай нөхцөл шаардах салбар, чиглэлийн үйл ажиллагаа, нэмэлтээр тавигдах шаардлагыг журмын хавсралтаар зохицуулна.

1.5. Иргэн, хуулийн этгээдийн үйл ажиллагаанд тавигдах тусгай нөхцөл шаардлагыг эрүүл мэндийн байгууллагын хийсэн эрсдэлийн үнэлгээ, халдвартын тархвар зүйн байдлаас хамаарч тухайн шатны Онцгой комисс зохицуулж болно.

1.6. Энэхүү журмаар зохицуулагдаагүй асуудлыг Улсын онцгой комисстый зөвшилцсөнөөр тухайн шатны Онцгой комисс шийдвэрлэж болно.

Хоёр. Бэлтгэл ажлын үед авах арга хэмжээ

2.1. Иргэн, хуулийн этгээд ажил, үйлчилгээ эхлэхийн өмнө дараах арга хэмжээг хангана:

2.1.1. Иргэдийн зорчих хөдөлгөөний мэдээллийг бүртгэх "QR" кодыг "qr.119.mn" сайтаас зааврын дагуу хэвлэн авч, байгууллагын орох хэсэгт ил харагдахаар байршуулах, халуун хэмжигч бэлтгэх;

2.1.2. Иргэдэд үйлчлэх цэг, хаалганы дэргэд, ариун цэврийн өрөө зэрэг шаардлагатай цэгүүдэд гар халдвартгүйжүүлэгч уусмалыг байршуулах;

2.1.3. Улсын бүртгэлд бүртгэгдсэн зөвшөөрөл бүхий зориулалтын халдвартгүйжүүлэх бодисыг сонгож, хадгалах нөхцелийг бүрдүүлж, хэрэглэх заавраар хангах;

2.1.4. Халдвараас урьдчилан сэргийлэх санамж, зөвлөмжийг үйлчилгээний танхим, албан тасалгаа, цахилгаан шат, явган шат, ариун цэврийн өрөөнд хүний нүдэнд ил харагдахуйц газарт байршуулах;

2.1.5. Бэлэн мөнгөөр гүйлгээ хийхээс аль болох зайлсхийх, үйлчлүүлэгч төлбөр тооцоог төлбөрийн карт, цахимаар хийх нөхцөлийг бүрдүүлэх;

2.1.6. Ажилтан бүрт ажлын болон хөдөлмөр хамгааллын тусгай хувцас, хувийн хамгаалах хувцас, хэрэгслийн нөөцийг бүрдүүлэх;

2.1.7. Ажилтан, албан хаагчдын тодорхой хувийг гэрээс цахимаар ажиллах боломжийг бүрдүүлж, ажиллах хуваарийг урьдчилан бэлтгэж, эзлжээр эсвэл богиносгосон цагаар ажиллуулах;

2.1.8. Нэгдүгээр давхарт гарах хаалганд хамгийн ойр байрлах хэсэгт байгалийн агааржуулалттай "түр тусгаарлах өрөө"-г бэлтгэж, анхны тусламжийн иж бурдэл, хамгаалах хувцас хэрэгсэл (амны хаалт, нэг удаагийн халаад, бээлий, улавч, нүдний шил, нүүрний хаалт, малгай) асуумж хуудас, халдвартгүйжүүлэх уусмалтай шүршигч сав, гар халдвартгүйжүүлэгч, цэвэр ус, нэг удаагийн аяга, цаасан алчуур, ариун цэврийн цаас, хогийн уут байршуулах;

2.1.9. Халдварын сэжигтэй тохиолдлыг түр тусгаарлах ажлыг зохион байгуулах ажилтныг томилж, ажиллах зааварчилгаа (мэдээлэл дамжуулах урсгал, авах арга хэмжээ) өгсөн байх.

#### Гурав. Зохион байгуулалтын арга хэмжээ

3.1. Хуулийн этгээд нь халдвар хамгааллын дэглэм сахих үед зохион байгуулалтын дараах арга хэмжээг авч хэрэгжүүлнэ:

3.1.1. Амны хаалт зүүсэн ажилтан, үйлчлүүлэгчийн биеийн халууныг хэмжих, "QR" кодыг уншуулах, "QR" кодгүй бол иргэний үнэмлэхийг үндэслэн заавал бүртгэх, заавар зөвлөмж өгч нэвтрүүлэх;

3.1.2. Бүртгэл хийх үед амьсгалын замын цочмог халдварын шинж тэмдэг (толгой өвдөх, ханиах, найтаах, хамраас нус гоожих, биеийн халуун 37.4 хэмээс дээш байх)-ыг асууж тэмдэглэх, тандалтаар дээрх шинж тэмдэг илэрсэн тохиолдолд гэрт нь буцаах, эрүүл мэндийн байгууллагад хандахыг зөвлөх;

3.1.3. Ажилтан, албан хаагчид, үйлчлүүлэгчдийн эрүүл мэндэд тандалт хийхэд шаардлагатай хувийн хамгаалах хувцас, багаж, хэрэгслээр тогтмол хангаж, тэдгээрийн хэрэглээнд дотоод хяналт тавих;

3.1.4. Ажлын байранд хүний бөөгнөрөл үүсгэхгүй байх, боломжтой үйлчилгээг цахим хэлбэрт шилжүүлэх;

3.1.5. Ажилтан болон үйлчлүүлэгч хоорондын зайд үйл ажиллагааны онцлогоос хамааран 2 метрээс доошгүй зайдай байхаар тооцон тэмдэг, тэмдэглэгээ тавих, нэг чигийн урсгалаар хөдөлгөөнийг давхцуулахгүй байдлаар зохион байгуулах, орох, гарах чиглэлд тэмдэглэгээ хийх, сандал дээр зайд барьж суух тэмдэг, тэмдэглэгээ байршуулах;

3.1.6. Гаднаас нэвтэрч байгаа эд зүйлс, бараа материалыг зохих зааврын дагуу халдвартгүйжүүлж нэвтрүүлэх;

3.1.7. Ажлын байранд үйлчлүүлэгч болон ажилтны гар угаах нөхцөлийг бүрдүүлж, гарын шингэн саван, цаасан алчуур, гар халдвартгүйжүүлэгч байршуулж үйлчлүүлэгчид үнэ төлбөргүй ашиглуулах;

3.1.8. Ажилтан, албан хаагчдын эрүүл мэнд, дархлааг дэмжихэд анхаарах;

3.1.9. Байгууллага нь Гамшигаас хамгаалах өндөржүүлсэн бэлэн байдлын зэргийн "Шар түвшин"-нд үзвэр, үйлчилгээний талбай, суудлын 50 хүртэл хувь, "Улбар шар түвшин"-д хүртэл 30 хүртэл хувийн дүүргэлттэй ажил, үйлчилгээ явуулах.

3.2. Цэвэрлэгээ (өдөр тутмын), халдвартайжүүлэлт хийхэд дараах арга хэмжээг авч хэрэгжүүлнэ:

3.2.1. Ариун цэврийн өрөө, угаалтуур, суултуур, шат, хаалга, шүүгээний бариул, цахилгаан шатны товчлуур, унтраалга, багаж, тоног төхөөрөмж, техник хэрэгслийн гадаргуу, гишгүүр, сандал, компьютерийн гар, хулгана гэх мэт хүний гар хүрэх эд зүйлсийн гадаргууг 2 цаг тутамд цэвэрлэн халдвартайжүүлэх;

3.2.2. Өрөө тасалгаанд 2 цаг тутам 10-15 минут агаар сэлгэлт хийх, механик агааржуулалтын системтэй тохиолдолд хэвийн ажиллагааг хангах;

3.2.3. Байгууллагын гадна орчны 50 метр талбайн хог, хаягдал, цас, мөсийг тогтмол цэвэрлэн, Хог хаягдлын тухай хуулийн 10 дугаар зүйлд заасан эрх, Үүрэг болон мэргэжлийн байгууллагын зөвлөмжийг хэрэгжүүлэх;

3.2.4. Багаж, тоног төхөөрөмж, техник хэрэгслийг ажилтан хооронд шилжүүлэхэд цэвэрлэгээ, халдвартайжүүлэлтийг хийж, хүлээлцүүлэх.

Дөрөв. Төрийн байгууллагын эрх, үүрэг

4.1. Төрийн байгууллага халдвартайжүүлэлтийн дэглэм сахих үед дараах эрх эдэлнэ:

4.1.1. Халдвартайжүүлэлтийн иргэнийг байгууллагад нэвтрүүлэхгүй байх;

4.1.2. Сэжигтэй тохиолдол илэрсэн үед халдвараас сэргийлэх зорилгоор тухайн иргэнийг түр тусгаарлах;

4.1.3. Халдвартайжүүлэлтийн дэглэм зөрчсөн, шаардлагыг биелүүлээгүй тохиолдолд үйлчилгээ үзүүлэхээс татгалзах;

4.1.4. Хуульд заасан бусад эрх.

4.2. Төрийн байгууллага халдвартайжүүлэлтийн дэглэм сахих үед дараах үүрэг хүлээнэ.

4.2.1. Ажилтан, албан хаагчдын бэлэн байдлын иж бүрдэлийг хангуулах;

4.2.2. Хуульд заасан бусад үүрэг.

Тав. Иргэн, хуулийн этгээдийн эрх, үүрэг

5.1. Иргэн халдвартайжүүлэлтийн дэглэм сахих үед дараах эрхийг эдэлнэ:

5.1.1. Халдвартайжүүлэлтийн дэглэм сахихыг тухайн байгууллага, эрх бүхий албан тушаалтнаас шаардах;

5.1.2. Халдвартайжүүлэлтийн дэглэмтэй холбоотой зөвлөмжийг мэргэжлийн байгууллагаас авах;

5.1.3. Халдвартайжүүлэлтийн дэглэм сахиулахтай холбоотой асуудлаар гомдол гаргах, мэдээлэл өгөх.

5.2. Иргэн, хуулийн этгээд нь ажил, үйлчилгээг эхлүүлэхэд дараах үүргийг хүлээнэ:

5.2.1. "QR" код бүртгүүлэхийг шаардах, хяналт тавих;

5.2.2. Энэ журмын 2, 3 дугаар зүйлд заасныг хэрэгжүүлж, Засгийн газрын 2011 оны 311 дүгээр тогтоолын дагуу дотоод хяналтын ажилтан томилж, халдвартайжүүлэлтийн дэглэм сахиулах /бүртгэлд хяналт тавих, амны хаалтыг зөв хэрэглэх, цэвэрлэгээ халдвартайжүүлэлт, гар угаах, бээлий өмсөх, агаар сэлгэлт гэх мэт/-д хяналт тавьж ажиллах;

5.2.3. Халдвартайжүүлэлтийн дэглэм сахиулахтай холбоотой санхүүжилтийг төлөвлөж, зарцуулах;

5.2.4. Амны хаалт зүүгээгүй, бээлий өмсөөгүй үйлчлүүлэгчийг дотроос худалдан авах боломжийг бүрдүүлэх.

5.2.5. Мэргэжлийн байгууллагын заавар, зөвлөмж, мэдэгдэл, албан шаардлага, даалгаврыг үйл ажиллагаандаа хэрэгжүүлэх.

5.2.5.Хуульд заасан бусад эрх, үүрэг.

5.3. Ажилтан, албан хаагч ажил, үйлчилгээ явуулахдаа дараах үүрэг хүлээнэ:

5.3.1. Хувийн ариун цэврийг сайтар сахих, эд зүйлсээ солилцохгүй байх, хүн хоорондын зай барьж мэндчилэх, нийтийн эзэмшлийн талбай, ариун цэврийн өрөөг зүй зохистой ашиглах;

5.3.2. Өөрийн ажлын ширээ сандал, компьютер, шүүгээ зэрэг албан тасалгаанд буй хүний гар хүрэх гадаргууг 2 цаг тутамд цэвэрлэн халдвартгуйжүүлэх;

5.3.3. Ажлын байранд халдварт хамгааллын дэглэм сахиулах, мэргэжлийн байгууллагаас гарсан заавар, зөвлөмжийг дагаж мөрдөх;

5.3.4. Ажлын цаг, ажиллах горимд өөрчлөлт орсон тохиолдолд байгууллагын удирдлагаас гаргасан шийдвэрийг дагаж мөрдөх;

5.3.5. Цахимаар ажиллаж байгаа тохиолдолд гадуур сэлгүүцэхгүй, айл хэсэхгүй, зочин урихгүй байж, мэргэжлийн байгууллагаас гаргасан заавар, зөвлөмжийн дагуу халдварт хамгааллын дэглэм баримтлах.

5.3.6. Ажлын хувцас хэрэгслийг зөв хэрэглэх, гарыг тогтмол савандаж угаах, гар ариутгагчаар халдвартгуйжүүлэх.

#### Зургаа. Сэжигтэй тохиолдол илэрвэл авч хэрэгжүүлэх арга хэмжээ

6.1. Халуурах, ханиалгах, ядарч сульдах, толгой өвдөх, булчингаар өвдөх, хоолой өвдөх, амьсгалын дээд зам үрэвсэх, үнэр, амт мэдрэхгүй, амьсгаадах, хоолны дуршил буурах, дотор муухайрах, бөөлжих, суулгах, сэтгэл санаа тогтвортгуй болох зэрэг эмнэлзүйн шинж тэмдгээс 3 болон түүнээс дээш тоотой илэрсэн бол сэжигтэй тохиолдол гэж үзнэ.

6.2. Ажлын байранд сэжигтэй болон батлагдсан тохиолдол, ойрын хавьталаа илэрвэл дараах арга хэмжээг авч хэрэгжүүлнэ:

6.2.1. Ажлын байранд сэжигтэй болон батлагдсан тохиолдол, ойрын хавьтлыг түр тусгаарлах өрөөнд тусгаарлаж, эрүүл мэндийн байгууллагад яаралтай мэдэгдэх;

6.2.2. Хувь хүний нууцыг хадгалах, хүний нэр тэр, алдар хүндийг гутаан доромжлохгүй, ялгаварлан гадуурхахгүй, сэтгэл зүйн дарамт, хохирол учруулахгүй байх;

6.2.3. Ажилтан, албан хаагчид мэргэжлийн байгууллагын шийдвэр гаралт өрөө тасалгаанаас гарахгүй, хоорондоо харилцахгүй, тайван байх, эрх бүхий байгууллагаас гаргасан зааварчилгааны дагуу ажиллах;

6.2.4. Халдвартын батлагдсан тохиолдол бүртгэгдсэн үед үйл ажиллагааг түр зогсоож, халдвартын эсрэг хариу арга хэмжээг авч хэрэгжүүлэх;

6.2.5. Ажлын байранд батлагдсан тохиолдол илэрвэл мэргэжлийн байгууллагаар голомтын эцсийн халдвартгуйжүүлэлтийг хийлгэнэ.

#### Долоо. Хяналт, хариуцлага

7.1. Энэхүү журмын хэрэгжилтэд тухайн шатны Засаг дарга, Мэргэжлийн хяналт, Онцгой байдал, Цагдаагийн байгууллага болон хууль тогтоомжоор эрх

олгогдсон бусад байгууллага, албан тушаалтан хуульд заасан эрх хэмжээний хүрээнд хяналт тавьж ажиллана.

7.2. Энэ журмын хэрэгжилтийг хангуулах чиглэлээр эрх бүхий албан тушаалтан Төрийн хяналт шалгалтын тухай хуулийн дагуу зөвлөн туслах үйлчилгээ үзүүлж, зөвлөмж, мэдэгдэл, шаардлагыг хүргүүлнэ.

7.3. Эрх бүхий албан тушаалтны мэдэгдэл, шаардлагыг биелүүлээгүй, журмыг зөрчсөн бол Зөрчлийн тухай хуулийн 15.2 дугаар зүйл болон холбогдох бусад заалтын дагуу хариуцлага оногдуулна.

7.4. Халдварт хамгааллын дэглэм мөрдөөгүйн улмаас хүний эрүүл мэндэд хохирол учруулсан, учруулж болзошгүй бодит нөхцөл байдал бий болгосон тохиолдолд Төрийн хяналт шалгалтын тухай хуулийн 10 дугаар зүйлийн 10.9.7 дахь хэсгийг баримтлан тухай үйл ажиллагааг бүхэлд нь болон хэсэгчлэн зөрчлийг арилгах хүртэл түр зогсоох арга хэмжээг авна.

7.5. Энэхүү журмын 7.3-д заалтад заасан зөрчлийг давтан үйлдсэн бол Аж ахуйн үйл ажиллагааны тусгай зөвшөөрлийн тухай хуулийн 13 дугаар зүйлийн 13.1-д зааснаар тусгай зөвшөөрлийг 3 сар хүртэл хугацаагаар түдгэлзүүлэх, энэ хугацаанд зөрчил арилгах талаар тавьсан шаардлага биелүүлээгүй бол мөн хуулийн 14 дүгээр зүйлийн 14.1-д зааснаар тусгай зөвшөөрлийг хүчингүй болгоно.

7.6. Тусгай зөвшөөрлийг олгосон байгууллага нь тусгай зөвшөөрлийн үйлчлэлийг түдгэлзүүлсэн нөхцөл арилсан тохиолдолд зөвшөөрлийг сэргээнэ.

7.7. Чиг үүргээ хэрэгжүүлэх явцдаа энэхүү журмыг зөрчсөн төрийн албан хаагчид Төрийн албаны тухай, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуульд заасан хариуцлага ногдуулна.

Коронавируст халдвар (КОВИД-19)-аас  
сэргийлэх арга хэмжээг зохион байгуулах түр  
журмын хавсралт

1. ХУДАЛДААНЫ ГАЗРЫН ҮЙЛ АЖИЛЛАГААНД ТАВИГДАХ  
ТУСГАЙ НӨХЦӨЛ ШААРДЛАГА

Худалдааны газар нь үйл ажиллагаа явуулахдаа энэхүү журам болон дараах тусгай нөхцөл шаардлагыг мөрднө.

1. Их дэлгүүр, зах, худалдааны төв, агуулах худалдаа, "хайпер маркет" зэрэг томоохон худалдааны газар нь нэвтрэх хэсэгтээ халдвартгуйжүүлэх автомат тоног төхөөрөмж болон суурин халуун хэмжигч байрлуулах (ариутгах бүхээг);
2. Зах, худалдааны төв нь худалдааны танхим, лангуу, тавиур, тасаг, чингэлэг, худалдан авагчийн зорчих хэсэг, үйлчлүүлэх хэсэг, тэргэнцэр, тооцроны цэг бүрт "QR" кодыг байршуулж, үйлчлүүлэгчийг бүртгэх (хүний бөөгнөрөл үүсгэхгүй байхад чиглэгдсэн тэмдэг, тэмдэглэгээг хийх);
3. Касс, лангуун дээр шилэн болон хуванцар хаалтыг байрлуулах;
4. Амны хаалтгүй иргэдэд үйлчлэхгүй байх;
5. Ажилтан, иргэдэд хувийн хамгаалах хэрэгсэл (амны хаалт, нүүрний хаалт, нэг удаагийн бээлий)-тэй үйлчилж, амны хаалтыг 2 цаг тутамд, бээлийг цоорсон, бохирдсон тохиолдолд сольж, зөв хэрэглэж хэвших;
6. Ажилтны хувийн хамгаалах хэрэгсэл, цэвэрлэгээ, халдвартгуйжүүлэх бодисыг 5-аас доошгүй хоногийн нөөцийг бэлтгэх;
7. Халдвараас урьдчилан сэргийлэх зөвлөмжийг чанга яригчаар мэдээлж, сурталчилгааны дэлгэцээр сэргэжлүүлэх;
8. Жимс жимсгэнэ, цагаан идээ, талх нарийн боов, бэлэн салат, зууш, хачир зэрэг шууд хэрэглэдэг хүнсний бүтээгдэхүүнийг уутанд савлах буюу битүү хоргонд худалдах;
9. Нэг удаагийн бээлий, гялгар уут, цаасан сав баглаа боодлын нөөцтэй байх;
10. Гоо сайхны барааны худалдаа эрхлэгч нь "загвар бүтээгдэхүүн"-ийг үйлчлүүлэгчдэд дамжуулан хэрэглүүлэхгүй байх;
11. Бараа бүтээгдэхүүнийг үйлчлүүлэгчдэд хүлээлгэж өгөх тухай бүр гарaa халдвартгуйжүүлэх, гараас гартаа дамжуулахгүй байх;
12. Түгээлтийн жолооч, ачигч, ажилтнуудыг амны хаалт, хөдөлмөр хамгааллын хувцсаар хангаж, аюулгүй ажиллагааны зааварчилгаа болон халдвар хамгааллын дэглэм сахиулах;
13. Тээврийн хэрэгсэл, чингэлгийг үйлчилгээ бүрийн дараа, тэргэнцэр, сагсны бариулыг үйлчлүүлэгч хэрэглэсний дараа тогтмол цэвэрлэх, халдвартгуйжүүлэх;
14. Цэвэрлэгээ хийхдээ тээврийн хэрэгслийн хаалга, салхины шил агааржуулалтыг нээж, агаар сэлгэлт хийх;
15. Худалдааны талбай, танхимд хооллохыг хориглох;
16. Өргөтгөсөн болон үзэсгэлэн худалдаа зохион байгуулахгүй байх.

## 2. ХООЛ ҮЙЛДВЭРЛЭЛ, ҮЙЛЧИЛГЭЭНИЙ ГАЗРЫН ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА

Хоол үйлдвэрлэл, үйлчилгээний газрууд нь (ресторан, баар, кафе, цайны газар, сүлжээ хоолны газар, хүргэлтийн хоол, кофе шоп, буфет) үйл ажиллагаа явуулахдаа зэхүү журам болон дараах тусгай нөхцөл шаардлагыг мөрднө.

1. Үйлчилгээний танхимын ширээ хоорондын зайд 2 метрээс доошгүй, ширээнд суудал алгасч суухаар тооцон ширээ, сандлыг байршуулах;

2. Нийтээр үйлчлэх хоол үйлдвэрлэл, үйлчилгээний газрын (үйлдвэр, албан байгууллагын дэргэдэх) үйлчилгээний танхимын хооллох ширээн дээр тусгаарлах хаалт байрлуулах, хүн хоорондын зайд барих нөхцөлийг бурдүүлэх;

3. Хоол үйлдвэрлэл, үйлчилгээний шат дамжлагад ажиллах ажилтан нь ажлын нэг даалгаврыг зөвхөн нэг хүн хариуцан гүйцэтгэх байдлаар зохион байгуулах;

4. Гаднаас хүлээн авч буй хүнсний түүхий эд, бараа, бүтээгдэхүүний хайрцаг, сав баглаа, боодлын гадаргууг сайтар арчиж цэвэрлэх, битүүмжлэлгүй хүнсний түүхий эд, бүтээгдэхүүнийг угааж, цэвэрлэсний дараа агуулахад хадгалж, хэрэглэх;

5. Хэрэглэсэн аяга, таваг, хэрэгслийг 3 дамжлагат угаалгаар зааврын дагуу угааж, халдвартгүйжүүлсний дараа хэрэглэх.

### a/ Хүргэлтийн хоолны үйлчилгээнд тавигдах нэмэлт шаардлага:

1. Хүргэлтийн үйлчилгээний ажилтанд халдварт, хамгааллын дэглэм, хувийн хамгаалах хэрэгслийг зөв хэрэглэх талаар зааварчилгаа өгч баталгаажуулах, үйлчилүүлэгчтэй зайнаас харьцах талаар үйлчилгээнд гарах бүрт сануулах;

2. Хоол, хүнс тээвэрлэж буй тээврийн хэрэгсэл (жолооны хурд, хаалганы бариул, гар хүрэх хэсэг), чингэлэг, тэргэнцэр, дулаан баригч зөөврийн сав, сагсыг үйлчилгээнд гарах бүрт цэвэрлэж халдвартгүйжүүлэн эрүүл ахуй, ариун цэврийн шаардлагыг мөрдөхөд хяналт тавьж, бүртгэл хөтлөх;

3. Хүргэлтийн үйлчилгээнд хэрэглэсэн зөөврийн сав, сагсыг хоол үйлдвэрлэл, үйлчилгээний өрөө, тасалгаанд шууд оруулахгүйгээр тусгайлсан цэгт зааврын дагуу угааж, халдвартгүйжүүлэх;

4. Хүргэлтийн хоолыг хүлээлгэн өгөхөд хүн хоорондын зайд баримтлан, гараас гарч дамжуулахаас зайлсхийх;

5. Үйлчилүүлэгчийн төлбөр тооцоог төлбөрийн карт, цахим төхөөрөмж ашиглан хийх, бэлэн мөнгөөр гүйлгээ хийхээс аль болох татгалзах, картыг төлбөрийн "ПОС" машинаар уншуулсан тохиолдолд товчлуурыг тухай бүр цэвэрлэж, халдвартгүйжүүлэх.

### b/ Баар (караокө, бүжгийн, диско, бильярд, спорт, паб):

1. Тусгай өрөө "VIP", караокены өрөөний талбайн багтаамжийн 50 хувиас хэтрэхгүй байхаар тооцож үйлчлэх;

2. Тусгай өрөө "VIP", караокены өрөө тасалгаа, тамхи татах цэг, нийтийн бие засах газрыг 2 цаг тутам цэвэрлэн, халдвартгүйжүүлж, агаар сэлгэлтийг тогтмол хийх, механик агааржуулалтын системийн хэвийн үйл ажиллагааг хангах;

3. Өрөө бүрт гар халдвартгүйжүүлэгч тавих;

4. Микрофоны нэг удаагийн бүрхэвч уутыг үйлчилүүлэгч тус бүр дээр солих, үйлчилгээний дараа микрофон, дууны цэсийг цэвэрлэх, халдвартгүйжүүлэх;

5. Тайчих буюу цэнгээнт үйлчилгээг зөвхөн тайzan дээр явуулах;

### 3. ҮСЧИН, ГОО САЙХАН, ХУМС ЗАСЛЫН ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА

Үсчин, гоо сайхан, хумс заслын үйлчилгээ эрхлэгч нь үйл ажиллагаа явуулахдаа энэхүү журам болон дараах тусгай нөхцөл шаардлагыг мөрдөнө.

1. Хүний беөгнөрөл үүсгэхгүйгээр урьдчилан захиалга авч үйлчлэх;
2. Суудал хоорондын зайд 2 метрээс доошгүй зайдтай байрлуулж, тоног төхөөрөмжийг сууринуулах, тусгаарлах хаалт (нийлэг хальсан материал ашиглаж болно)-тай байх;
3. Ажиллагсад нь амны хаалт, нэг удаагийн бээлий, нүүрний хаалт, нийлэг хальсан хормогч, даавуун болон цаасан тохойвч хэрэглэх, 5-аас доошгүй хоногийн нөөцтэй байх;
4. Үс засуулах, хумс заслын үйлчилгээ авч буй үйлчлүүлэгчид амны хаалттай байх ба 2 цагаас илүү хугацаагаар үйлчлүүлсэн тохиолдолд амны хаалтыг солиулах;
5. Гоо сайхны өрөөнд зөвхөн нэг хүнд үйлчлэх;
6. Үйлчилгээ бурийн дараа алчуур, нөмрөг, үс угаах угаалтуур, ашигласан багаж, хэрэгслийг угаалгын бодисоор угааж, цэвэрлэн, халдвартгүйжүүлэх;
7. Арьс салст гэмтээж болох гоо сайхан, хумс заслын багаж хэрэгслийг угааж, халдвартгүйжүүлэлт хийсний дараа ариутгах, ариутгалын тоног төхөөрөмжгүй нөхцөлд нэг удаагийн багаж хэрэгслийг хэрэглэх;
8. Хог хаягдлыг таних тэмдэг бүхий тагтай зориулалтын саванд түр битүүмжлэн хадгалж, хог хаягдал зөөвөрлөх гэрээт байгууллагаар тээвэрлүүлэх.

-оо-

#### **4. НИЙТИЙН ХАЛУУН УС, САУН, УСАН БАССЕЙНЫ ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА**

Нийтийн халуун ус, саун, усан бассейны үйл ажиллагаа явуулахдаа энэхүү журам болон дараах тусгай нөхцөл шаардлагыг мөрдөнө.

1. Хүний бөөгнөрөл үүсгэхгүйгээр урьдчилан захиалга авч үйлчлэх;
2. Халуун усны шүршүүр, массажны өрөөнд зөвхөн нэг хүнд үйлчлэх;
3. Ажиллагсад нь амны хаалт, нэг удаагийн бээлий, нүүрний хаалт, нийлэг хальсан хормогч зэрэг ажлын хувцсыг бүрэн өмсөж хэрэглэх, 5-аас доошгүй хоногийн нөөцтэй байх;
4. Үйлчилгээ бүрийн дараа шүршүүр, сауны өрөө, тасалгаанд цэвэрлэгээ үйлчилгээ, халдвартгуйжүүлэлт, агаар сэлгэлт хийх, механик агааржуулалтын системийн хэвийн үйл ажиллагааг хангах;
5. Бассейны усыг зааврын дагуу халдвартгуйжүүлж, үлдэгдэл хлорын хэмжээнд өдөр бүр дотоодын хяналт тавьж, улирал тутам мэргэжлийн байгууллагаар хими, нян судлалын шинжилгээ хийлгэж, дүгнэлт гаргуулах;
6. Хэрэглэсэн алчуур, улавч, хэрэгслийг угаалгын хэсэгт хүргүүлэх, аль болох нэг удаагийн хэрэгслээр үйлчлэх.

-оОо-

## 5. АМРАЛТЫН ГАЗАР, ЖУУУЛЧНЫ БААЗ, ЗОЧИД БУУДАЛ, ДЭН БУУДЛЫН ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА

Амралтын газар, жуулчны бааз, зочид буудал, дэн буудал нь үйл ажиллагаа явуулахдаа энэхүү журам болон дараах тусгай нөхцөл шаардлагыг мөрдөнө.

1. Хүний бөөгнөрөл үүсгэхгүйгээр урьдчилан захиалга авч, орны тооноос илүү зочин хүлээн авахгүй байх (нэг гэр бүлийн гишүүдээс бусад);
2. Зочин хүлээн авах хэсэгт тусгаарлалтын хаалт байрлуулж, халдварт хамгааллын дэглэм сахиулах;
3. Үйлчилгээ бүрийн дараа зочны өрөө болон олон нийтийн хэсэгт цэвэрлэгээ, халдварт гүйжүүлэлтийг тогтмол хийж, алчуур, цагаан хэрэглэлийг угааж халдварт гүйжүүлэх;
4. Зочдын хоолны цагийн хуваарыт зохицуулалт хийх, аль болох өрөөнд нь хооллох;
5. Үндны ус нь төвлөрсөн шугамд холбогдоогүй тохиолдолд эх үүсвэрт хамгаалалтын бүс тогтоон, бохирдоос сэргийлэх арга хэмжээ авах, ус нөөцлөх савыг угааж халдварт гүйжүүлэх, үндны усанд хими, нян судлалын шинжилгээ хийлгэж, дүгнэлт гаргуулах;
6. Нүхэн жорлон, бокир усны цооногт сар бүр халдварт гүйжүүлэлт хийлгэх;
7. Олон нийтийг хамарсан арга хэмжээ зохион байгуулахгүй байх.

**6. БИЕЙИН ТАМИР, СПОРТ, ЧИЙРЭГЖҮҮЛЭХ, БЯЛДАРЖУУЛАХ  
ТӨВИЙН ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА**

**Сэлэнгэ аймгийн Сүхбаатар сумын төрийн сангийн мэргэжилтнуудтэй хамтран 1  
хуухдэд жилд дундажаар хадэн тасралгаар цагдаагүйн талаар тогтолцоогаралт Сүхбаатар  
үзүүлилсээр угуулж, газарлагчийн 2008 оны хамгийн дээд талаар тогтолцоогаралт Сүхбаатар  
мавлияг хүүхэд тус бүрт гардуулан өгөв.**

**2017.01.01 – 2017.09.30-ны хооронд Сэлэнгэ аймгийн хэмжээнд шинээр татвар**

**төлөгчөөр бүртгүүлсэн Хуулийн атгээс хувь хувь зориулсан сургалтыг 17  
дасгалын оногдлыг хөхөрөмж бүрдүүлж, дээрээс тогтолцоогаралт Сүхбаатар  
аласуурьд бэлдээл 125 ААНБ, 136 татвар төлөгч иргэдэд ААНОАТ, НӨАТУС, ХХОАТ,  
тухай 3 хуулиуд болон утияал Жилийн эцсийн татварын тайлан ирүүлэх хуулийн  
хугацаа, тайлан болтгэх, тоон гарын үсгээр тайлтан баталгаажуулан илгээх, улирал,**

**4. Монгол Улсын Засгийн Газар, Улсын онцгой комиссийн цийдвэрээр олон  
учен болон бусад талаар нэмэгдэж олонийн тайлан ирүүлэхэд зорилтгүүдийн  
тажилдааж Хөгжлийн бэрхшээлтэй ирвээдийн нийтийн бүтээгдэхүүнгүйн 50 охион  
хамтран тус сургалтанд 36 Хөгжлийн бэрхшээлтэй иргэд хамрагдан НӨАТУС,**

**5. Уйлчлувалгээ бурамны хаалт, нэг удаагийн бээлийн хэрэглэх.  
Татварын хөнгөлөлт чөнөөлөлтэд хэрхэн хамрагдах талаар сургалт зохион  
байгуулан татварын хуулиуд, уйлчилгээтэй холбогдолтой санал сэтгэгдэлийг сонсож  
ажиллаа. 2017 онд 68 удаагийн сургалтанд 6257 татвар төлөгч ААН, иргэд  
хамрагдсан байна.**

- 00 -

**Хэвлэл мэдээллийн хэрэгслийн сурталчилгаа**

Татварын албанаас зохион байгуулж буй ажлууд болон Татвар төлөгчдийн  
өдрүүдийг угтаж хийсэн ажлын талаар орон нутгийн хэвлэл мэдээллийн хэрэгслээр  
тухай бүр мэдээлэл хийснээс Миний монгол кабелийн телевиз, Таны телевиз,  
Мандал сумын, Залуус, Сайхан сумын Эрдэнэ кабелийн телевизүүдтэй хамтран  
татварын албаны үйл ажиллагааг сурталчилсан шторк, НӨАТУС-ийг сурталчилсан  
жуужигчилсэн зохиомж зэрэг нэвтрүүлэг бэлтгэж татвар төлөгч танд баярлалаа” гэсэн мэндчилгээг  
аймгийн хэмжээнд 10100 Скайтелийн хэрэглэгчдэд илгээж талархал  
хүлээлээ [www.facebook.com/selengetax](http://www.facebook.com/selengetax) facebook хуудсанд Таварын тайлан ирүүлэх  
хугацаа, Татвар төлөгчдийн өдрүүдийн үйл ажиллагааны явцыг тухай бүр зураг,  
шторкуудыг байршуулж орон нутгийн хэрэглэгчдэд сурталчилснаар 10000 гаруй  
хэрэглэгчдэд хүрсэн. Урьд оны Монголын татварын албаны дээд шагнал “Шилдэг  
татвар төлөгч” –өөр шалгарсан Сэлэнгэ АЗЗА ХХК-ий үйл ажиллагааг бусад татвар  
төлөгчдөд үлгэр дууриалал болгох зорилгоор орон нутгийн 2 телевизтэй хамтран  
ажил үйлчилгээг сурталчиллаа.

**Ногдуулалтын хяналт:**

2016 жилийн эцсийн “Х”, алагдалтай тайлангийн судалгаа гаргаж “Х” тайлан  
гаргасан 478 аж ахуйн нэгжийг хөндлөнгийн мэдээлэлтэй эсэхийг шалгуулж, 25 аж  
ахуйн нэгж хөндлөнгийн мэдээлэлтэй байсан ба тайланг засварлуулахаар ажиллаж  
байна. Алдагдалтай тайлан ирүүлсэн 162 аж ахуйн нэгжээс 5 аж ахуйн нэгжийг  
эрсдэл тооцуулан журмын дагуу хяналт шалгалтын тасагт дүгнэлт бичин  
шилжүүлсэн.

• 2016 оны ХХААЯ-аас ирүүлсэн үр тарианы урамшуулалт авсан 29 иргэний  
мэдээлэлд ногдуулалтын хяналт хийлгэхээр ирүүлсний 16 иргэнийг харьялагдах

7. СОЁЛ УРЛАГ, СҮМ ХИЙД, ҮЗВЭР ҮЙЛЧИЛГЭЭ, ОЛОН НИЙТИЙН АРГА  
ХЭМЖЭЭ, ХУРАЛ ЦУГЛААНЫ ҮЙЛ АЖИЛЛАГААНД ТАВИГДАХ  
ТУСГАЙ НӨХЦӨЛ ШААРДЛАГА

Соёл урлаг, сүм хийд, үзвэр үйлчилгээ, олон нийтийн арга хэмжээ, хурал цуглааны үйл ажиллагаа явуулахдаа энэхүү журам болон дараах тусгай нөхцөл шаардлагыг мөрдөнө.

*а/ Кино театр:*

1. Үзвэрийн өмнө ба дараа заал танхимд агаар сэлгэлт, цэвэрлэгээ, халдвартгуйжүүлэлт хийх;
2. Үзвэрийн танхимд үзэгч хооронд зайд барих буюу 1 суудал алгасуулж 1 хүн суулгах;
3. Үзвэр эхлэхийн өмнө халдвараас сэргийлэх зөвлөмж, сээрэмжлүүлгийг дэлгэцээр болон сонсох байдлаар хүргэх;
4. Тасалбарыг цахимаар авах нөхцөл бүрдүүлэх;
5. Хүний бөөгнөрөл үүсгэхгүй байхаар үзвэрийн цагийн хуваарийг зохицуулах;
6. Кино театрын зориулалтын нүдний шилийг үзвэрийн дараа цэвэрлэн халдвартгуйжүүлэх;
7. Үзвэрийн танхимд ус, ундаанаас бусад хүнсний бүтээгдэхүүн хэрэглэхийг хориглох;
8. Автомат тоглоомыг үйлчлүүлэгч хэрэглэсний дараа тухай бүр цэвэрлэн халдвартгуйжүүлэх;
9. Ажилтныг ажлын хувцас, хувийн хамгаалах хэрэгслээр хангаж, халдвар хамгааллын дэглэм сахиулах.

*б/ Музей:*

1. Үзвэрийн танхим дүүргэлтийг 50 хувиас хэтрүүлэхгүй байх;
2. Үйлчлүүлэгчдийн тооны хязгаарыг үзмэрийн танхимын хэмжээг харгалзан 1 хүнд ноогдох талбай нь 4 м<sup>2</sup>-аас доошгүй байхаар тооцож оруулах;
3. Тасалбарыг цахимаар авах боломж бүрдүүлэх;
4. Үзмэрийн танхимд 2 цаг тутамд агаар сэлгэлт, цэвэрлэгээ, халдвартгуйжүүлэлт хийх;
5. Тайлбарлагч, үйлчилгээний ажилтныг ажлын хувцас, хувийн хамгаалах хэрэгслээр хангах, халдвар хамгааллын дэглэм сахиулах.

*в/ Театр, чуулга, соёлын ордон:*

1. Тасалбарыг цахимаар авах боломж бүрдүүлэх;
2. Хүлээлгийн танхимд хүний бөөгнөрөл үүсгэхгүй, үзэгч хооронд зайд барих буюу 1 суудал алгасуулж, 1 хүн суулгах;
3. Үзвэр хооронд танхимд агаар сэлгэлт, цэвэрлэгээ, халдвартгуйжүүлэлт хийх;
4. Үйлчилгээний ажилтныг ажлын хувцас, хувийн хамгаалах хэрэгслээр хангах, халдвар хамгааллын дэглэм сахиулах;
5. Уран бүтээлчдийн эрүүл аюулгүй байдлыг хангаж, тайзны тоног төхөөрөмж, микрофоныг халдвартгуйжүүлж, бүрхэвч уутыг солих;
6. Үзвэрийн танхимд хүнсний бүтээгдэхүүн хэрэглэхийг хориглох;
7. Үзвэр эхлэхийн өмнө халдварын талаарх зөвлөмж, сээрэмжлүүлгийг дэлгэцээр болон сонсох байдлаар хүргэх;

*г/ Соёл, урлагийн сургалт явуулдаг аж ахуйн нэгж байгууллага:*

1. Анги танхимд ширээ, сандал 2 метрээс доошгүй зйтай байрлуулж, нэг тоног төхөөрөмжид нэг суралцагч байхаар зохицуулалт хийх;
2. Сургалтын танхимд 2 цаг тутамд агаар сэлгэлт, цэвэрлэгээ, халдвартгуйжүүлэлт хийх;
3. Нийтийн бүжиг, бүжгийн сургалт, клубын үйл ажиллагааг хориглох.

д/ Сүм, хийд:

1. Хурал ном, мөргөл залбирлын үйлчилгээг зохион байгуулахдаа хурлын танхимд лам, сүсэгтэн олон нь 2 метрээс доошгүй зйтай суухаар зохицуулах;
2. Хурлын дуган, айлтгал бичих өрөө тасалгааг 2 цаг тутамд агаар сэлгэлт, цэвэрлэгээ, халдвартгуйжүүлэлт хийх;
3. Засал хийх, ном хурах зэрэг арга хэмжээг цахимаар унших нөхцөлийг бүрдүүлэх.
4. Буян өргөлийг бэлэн мөнгөөр хийхгүй байх, төлберийн карт, дансны дугаар ашиглан хийх, картыг "ПОС" машинаар уншуулах, товчлуурыг тухай бүр халдвартгуйжүүлэх уусмалаар арчих;

е/ Олон нийтийн арга хэмжээ:

1. Монгол Улсын Засгийн газрын болон Улсын онцгой комиссын шийдвэрээр нийтээр тэмдэглэх баярын болон тэмдэглэлт өдрүүдийг зохион байгуулахдаа мэргэжлийн байгууллагаас гаргасан заавар, зөвлөмжийн дагуу халдварт хамгааллын дэглэм сахиулах;

ё/ Хурал, цуглаан:

1. Байр танхимиын багтаамж, хүчин чадлаас шалтгаалан нэг удаагийн хурал цуглаанд оролцогчдын хүн хоорондын зайл 2 метрээс доошгүй байхаар тооцож, зохион байгуулах;
2. Хурал цуглааныг цахим хэлбэрээр зохион байгуулж хэвших.

## 8. МЭРГЭЖЛИЙН БОЛОН ХЭЛНИЙ СУРГАЛТЫН ТӨВИЙН ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА

Мэргэжлийн болон хэлний сургалтын төвийн үйл ажиллагаа явуулахдаа энэхүү журам болон дараах тусгай нөхцөл шаардлагыг мөрдөнө.

1. Сургалтын бүртгэлийг цахимаар явуулах;
2. Анги танхимд ширээ, сандал, үйлдвэрлэлийн дадлагын байранд тоног төхөөрөмжийг 2 метрээс доошгүй зйтай байрлуулж, нэг тоног төхөөрөмжид нэг суралцагч байхаар зохицуулалт хийх;
3. Суралцагч амны хаалттай хичээллэх, сургалтын байгууллага нь амны хаалт, нүүрний хаалт, нэг удаагийн бээлий, хамгаалах хэрэгслийн 5-аас доошгүй хоногийн нөөцтэй байх;
4. Үйлдвэрлэлийн дадлагын тоног төхөөрөмж, багаж хэрэгсэл, хэрэглэгдэхүүн, сургалтын гарын авлага, үзэг, бал зэрэг эд зүйлийг суралцагч хоорондоо дамжуулахгүй байх, шаардлагатай тохиолдолд халдвартгүйжүүлэх;
5. Эзлж хооронд анги танхимд агаар сэлгэлт, цэвэрлэгээ, халдвартгүйжүүлэлт хийх;
6. Анги, танхимд хооллохгүй байх.

- оОо -

## 9. ТОГЛООМЫН ТӨВИЙН ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА

Тоглоомын төвийн үйлчилгээ нь үйл ажиллагаа явуулахдаа энэхүү журам болон дараах тусгай нөхцөл шаардлагыг мөрдөнө.

1. Амны хаалт, ажлын хувцас, нэг удаагийн бээлий, гар ариутгагч, гарын цаасан алчуур, цэвэрлэгээний материал, халдвартгуйжүүлэх бодисын 5 хоногийн нөөцтэй байх;
2. Байгалийн болон механик агааржуулалтын системтэй байх агаар сэлгэлтийг тогтмол хийх;
3. Үйлчлүүлэгчийн бүртгэл хийж, 2 цагаас дээшгүй хугацаагаар тоглуулах.

### a/ Цахим тоглоомын газар:

1. Үйлчилгээний газар нь ширээ, сандал, компьютер, компьютерийн гар, хулгана, чихэвчийг үйлчлүүлэгч бүрийн дараа, хаалганы бариул, хулээн авах хэсэг зэрэг үйлчлүүлэгчийн гар хүрэх гадаргуу талбайг 2 цаг тутамд цэвэрлэх, халдвартгуйжүүлэх, тоглоомын өрөө тасалгаа, заалны их цэвэрлэгээг өдөрт 3-аас доошгүй хийх;
2. Тоглоомын өрөө тасалгаа, заал, нийтийн бие засах газарт 2 цаг тутамд агаар сэлгэж, халдвартгуйжүүлэх уусмал ашиглан цэвэрлэгээ хийж, гар халдвартгуйжүүлэх уусмалыг ширээ бүрт байрлуулах;
3. Интернэт кафе, цахим тоглоомын үйлчилгээний газрууд нь халвар хамгааллын дэглэм мөрдүүлэх, ширээ хоорондын зайл 2 метрээс доошгүй байхаар байрлуулах.

### b/ Хүүхдийн тоглоомын газар:

1. Амны хаалтгүй хүүхдэд үйлчлэхгүй байх, зааланд хооллохгүй байх;
2. Асран хамгаалагчийг хүлээлгийн танхимд халвар хамгааллын дэглэм сахиулан 2 метрээс доошгүй зайл бариулах;
3. Тоглоомын өрөө тасалгаа, заал, тоглоом хэрэгслийг 2 цаг тутамд агаар сэлгэлт, цэвэрлэгээ, халдвартгуйжүүлэлт хийх;

### c/ Хүүхдийн гадна тоглоомын талбай:

1. Амралт чөлөөт цагийг зүй зохицтой өнгөрөөх зорилгоор бага насны хүүхдийг нийтийн эзэмшил талбай, цэцэрлэгт хүрээлэнд байрлах тоглоомын талбайд тоглуулахдаа бөөгнөрөл үүсгэхгүй, халвар хамгааллын дэглэм сахиулахыг эцэг, эх, асран хамгаалагч хариуцах;
2. Эцэг, эх, асран хамгаалагч бага насны хүүхдийг гадна тоглоомын талбайд тоглуулахдаа амны хаалт, бээлий өмсүүлэх, тоглуулсны дараа гарыг нь сайтар угааж, халдвартгуйжүүлэх;
3. Орон сууцны гадна талбайд байрлах хүүхдийн тоглоомын талбайн цэвэрлэгээ, үйлчилгээ, хог хаягдлыг ачуулах ажлыг харьяа Сууц өмчлөгчдийн холбоо, цэцэрлэгт хүрээлэн, олон нийтийн газарт байрлах тоглоомын талбайн цэвэрлэгээ үйлчилгээ, хог хаягдлыг харьяалах байгууллага нь хариуцах.

## 10. НИЙТИЙН ТЭЭВРИЙН ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА

Нийтийн тээврийн үйлчилгээ нь үйл ажиллагаа явуулахдаа энэхүү журам болон дараах тусгай нөхцөл шаардлагыг мөрдөнө.

### a/ Автобус:

1. Нийтийн тээврийн хэрэгслийг хөдөлгөөнд оролцоогоос өмнө бүхээгийн бүх гадаргуу, зорчигчийн суудал болон бариул, гар хүрэх хэсгийг цэвэрлэж, халдвартгуйжүүлэх, агаар сэлгэлт хийх;
2. Амны хаалтгүй зорчигчид үйлчлэхгүй зарлан мэдээлэх, амны хаалт, нэг удаагийн бээлий, гар ариутгагчаар хангах нөхцөл бүрдүүлэх;
3. Үйлчлүүлэгчийн төлбөр тооцоог зөвхөн нийтийн тээврийн цахим төлберийн хэрэгслээр хийх;
4. Суудлын бүрээс, хөшгийг 3 хоног тутам угаах, солих;
5. Жолоочийн бүхээгийг зорчигчоос тусгаарласан хаалт хийх, жолоочийг хамгаалах хэрэгсэл (гар халдвартгуйжүүлэгч, амны хаалт, малгай, бээлий, ажлын хувцас)-ээр хангах;
6. Жолооч нарт халдвараас урьдчилан сэргийлж ажиллах талаар зааварчилгааг өгөх;
7. Зорчигчийг 1 суудал алгасуулж 1 хүн суулгах, хүн хоорондын зай барих;
8. Автобусны буудлын эцсийн зогсоол дээр зогсох бүрт бүхээгийн хогийг цэвэрлэн, агаар сэлгэлт, цэвэрлэгээ, халдвартгуйжүүлэлт хийх, хог хаягдлыг зориулалтын цэгт хаях.

### b/ Такси:

1. Үйлчилгээнд гарахын өмнө, дараа тээврийн хэрэгслийн гадна, дотор талыг цэвэрлэж, халдвартгуйжүүлэлт хийх, агаар сэлгэх;
2. Жолоочийн хэсгийг зорчигчдоос тусгаарлан хаалт (нийлэг хальсан материал ашиглаж болно) хийж, зорчигчийг зөвхөн арын суудалд суулгах;
3. Зөвхөн амны хаалттай зорчигчид үйлчлэх бөгөөд амны хаалт, нэг удаагийн бээлийгээр хангах нөхцөлийг бүрдүүлэх, суудлын дэргэд гар халдвартгуйжүүлэгч байрлуулах;
4. Төлбөр тооцоог төлберийн карт, дансны дугаар ашиглан хийх, бэлэн мөнгөөр гүйлгээ хийхгүй байх, картыг "ПОС" машинаар уншуулсан тохиолдолд товчлуурыг тухай бүр халдвартгуйжүүлэх уусмалаар арчих;
5. Халдвараас урьдчилан сэргийлэх санамж, зөвлөмжийг урд суудлын арын хэсэгт үйлчлүүлэгчид ил харагдахуйц байршуулах;
6. Иргэдийн зорчих хөдөлгөөний мэдээллийг бүртгэх, "QR" кодыг зорчигчоор уншуулах, эсвэл жолооч нь "[qr.ulaaanbaatar.mn](http://qr.ulaaanbaatar.mn)" сайтыг ашиглан, зааврын дагуу зорчигчийн иргэний үнэмлэхийн "QR" кодыг уншуулах.

## 11. НИЙТИЙН ЗОРИУЛАЛТТАЙ ОРОН СУУЦ, НИЙТИЙН БАЙРНЫ ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА

Нийтийн зориулалттай орон сууц, нийтийн байрны үйл ажиллагаанд энэхүү журам болон дараах тусгай нөхцөл шаардлагыг мөрдөнө.

1. Халдвараас урьдчилан сэргийлэх заавар, санамж, зөвлөмжийг оршин суугчдад ил харагдахуйц байршуулах;
2. Монгол Улсын төле хяналтын камерын техникийн ерөнхий шаардлага MNS 6423:2019 стандартын шаардлагыг хангасан хяналтын камер суурилуулах;
3. Ажлын хувцас, хамгаалах хэрэгслийн болон цэвэрлэгээ, халдвартгуйжүүлэх бодисын нэг сарын нөөцтэй байх;
4. Орцын хаалганы бариул, кодын товчлуур, шатны бариул, цахилгаан шатны товчлуур, унтраалга зэрэг хүний гар хүрч болох эд зүйлсийн гадаргууг 2 цаг тутамд халдвартгуйжүүлэх, хаалга, шат, шатны бариулыг өдөрт 2-оос доошгүй удаа угааж цэвэрлэх;
5. Цахилгаан шатны товчлуурын дэргэд гар халдвартгуйжүүлэгч байршуулах, тогтмол цэвэрлэгээ хийх, халдвартгуйжүүлэх;
6. Орц болон зоорины давхарт сард 1 удаа ахуйн шавж, мэрэгч устгал, халдвартгуйжүүлэх үйл ажиллагаа эрхэлдэг тусгай зөвшөөрөл бүхий мэргэжлийн байгууллагаар халдвартгуйжүүлэлт (хаяг, шошгогүй, хүчинтэй хугацаа дууссан, улсын бүртгэлд бүртгэгдээгүй бодисыг хэрэглэхгүй байх) хийлгэх;
7. Хог хаягдлыг хуваарийн дагуу ачуулах, хогийн цэг, хогийн саванд халдвартгуйжүүлэлт хийх, орцын гадна талд битүүмжлэл бүхий тагтай хогийн сав байрлуулах, хариуцсан талбайн хог, цас, мөсийг тогтмол цэвэрлэн, халтиргаа, гулгааг арилгах;
8. Сууц өмчлөгчдийн холбоо нь цахим хаягтай байх ба оршин суугчдыг бүртгэх, санал хүсэлт, гомдлыг тухай бүр шийдвэрлэх, тайлагнах;

## 12. ХҮНСНИЙ БАРААНЫ ТЭЭВЭР, ТҮГЭЭЛТИЙН ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА

Хүнсний барааны тээвэр, түгээлтийн үйл ажиллагаа явуулахдаа энэхүү журам болон дараах тусгай нөхцөл шаардлагыг мөрдөнө.

1. Хот дотор болон орон нутагт хүнсний тээвэрлэлт хийх тээврийн хэрэгслийн бүрэн бүтэн, аюулгүй байдлыг хангасан байх;
2. Тээвэр, түгээлтийн ажилтанд хүнс тээвэрлэх хугацаанд ажлын хувцас, бээлий, амны хаалт, нүүрний хаалт, гар халдвартгуйжүүлэгч зэргээр хангах, тээврийн хэрэгсэл, чингэлгийг тухай бүр халдвартгуйжүүлж, эрүүл ахуй, халдварт хамгааллын дэглэм сахиулах талаар заавар, зөвлөмж өгөх;
3. Хүнс тээвэрлэж буй тээврийн хэрэгслийн (жолооны хүрд хаалганы бариул, гар хүрэх хэсэг), чингэлэг, тэргэнцэр, хайрцаг сав, сагсыг үйлчилгээнд гарах бүрт тогтмол цэвэрлэн халдвартгуйжүүлэх, эрүүл ахуй, ариун цэврийн шаардлагыг мөрдөн ажиллаж буй эсэхэд хяналт тавьж, бүртгэл хөтлөх;
4. Түгээлтийн ажилтан нь холын замд хоол хүнс, хувийн эд зүйлсийг бэлтгэх;
5. Хүнсний тээврийн хэрэгслийн жолооч нь эзлжийн жолоочоос өөр хүн авч явахыг хориглоно;
6. Бараа бүтээгдэхүүнийг ачих, буулгах явцад ажлын хувцас, хэрэгслийг бүрэн өмсөж, бусадтай зайнлас харьцах, барааны гадаргууг тухай бүр халдвартгуйжүүлэх;
7. Хот суурин газар нэвтрэх, дайран өнгөрөхдөө тухайн орон нутагт тогтоосон дүрэм, журам, шаардлагыг дагаж мөрдөх;
8. Ачаа, тээврийн болон шатахууны төлбөр тооцоог цахим хэлбэрээр хийх.

### 13. ОРШУУЛГЫН ҮЙЛ АЖИЛЛАГААНД ТАВИГДАХ ТУСГАЙ НӨХЦӨЛ ШААРДЛАГА

Оршуулгын үйл ажиллагаанд энэхүү журам болон дараах тусгай нөхцөл шаардлагыг мөрдөнө.

1. Оршуулгын үйл ажиллагааг 50 хүртэл хүнтэй зохион байгуулах;
2. Шарил тээвэрлэсэн тээврийн хэрэгсэлд цэвэрлэгээ, халдвартгүйжүүлэлт хийх;
3. Буяны ажлын цайллага хийхдээ халдварт хамгааллын дэглэм сахиулах;
4. Хоол үйлдвэрлэл үйлчилгээний байгууллагаар үйлчлүүлэхээр бол энэхүү журмын хоол үйлдвэрлэл, үйлчилгээнд тавих тусгай нөхцөл шаардлагыг хангах;
5. Оршуулгын үйл ажиллагаанд оролцож буй иргэд ирж, очихдоо тээврийн хэрэгслийг сольж суухгүй байх.

- 00 -

**14. ЖАГСААЛ ЦУГЛААН ЗОХИОН БАЙГУУЛЛАХ, ТҮҮНД ОРОЛЦОХОД  
ТАВИГДАХ ТУСГАЙ НӨХЦӨЛ ШААРДЛАГА**

Жагсаал цуглаан зохион байгуулах, түүнд оролцоход энэхүү журам болон дараах тусгай нөхцөл шаардлагыг мөрдөнө.

1. Эрүүл мэндийн байгууллагын хийсэн эрсдэлийн үнэлгээнд үндэслэн тухайн шатны Онцгой комиссын дүгнэлт гаргуулсан байх;
2. Хүн хооронд 2 метрээс доошгүй зайд барих;
3. Оролцогчдыг "ПГУ" шинжилгээнд хамруулах, хариу гарсан байх;
4. Амны хаалт зүүх, бээлий өмсөх, гар халдвартгүйжүүлэх;
5. Микрофоны нэг удаагийн бүрхэвч уутыг 1 цаг тутам солих;
6. Жагсаал, цуглаанд ашиглах техник, эд зүйлсийг халдвартгүйжүүлэх.

- оОо -